



## WHANAKETANGA 3: TE REO MATATINI

### Taha Kōrero

E hāngai

#### Ngā Whāinga

##### Āheinga Reo

Ka **tātari**<sup>1</sup> te ākongā i ngā pūtake me ngā horopaki o te kōrero ā-waha, ā, ka tutuki i a ia āna ake pūtake kōrero, ētahi pūtake ake a te Māori, me ngā kawenga kōrero i te taumata tuatoru o te marautanga.

Ina whakarongo ia:

- ka mārama ia ki ngā whakaaro o te kaikōrero i ngā **horopaki e taunga ana**<sup>2</sup> ia
- ka **tautohu**<sup>3</sup>, ka tātari ia i ngā kupu, ngā **kīanga**<sup>4</sup>, me ngā **pārongo**<sup>5</sup> matua o roto i te kōrero
- ka tautohua, ka **matapakitia**<sup>6</sup> ngā āhuetanga o te kōrero e whakaata ana i te **whāinga**<sup>7</sup> a te kaikōrero.

Ina kōrero ia:

- ka whakawhiti whakaaro ia i runga i te tōtika i ngā horopaki **ōkawa**<sup>8</sup> me ngā horopaki **ōpaki**<sup>9</sup> e āhua taunga ana ia
- ka uru mai ngā kupu me ngā kōrero e hāngai ana ki te horopaki, te kaupapa, me te hunga whakarongo
- ka whakapuaki ia i ngā momo kōrero Māori taketake ake i ngā horopaki e taunga ana ia.

<sup>1</sup>analyse

<sup>2</sup>familiar contexts

<sup>3</sup>identify

<sup>4</sup>phrases

<sup>5</sup>information

<sup>6</sup>discuss

<sup>7</sup>objective

<sup>8</sup>formal

<sup>9</sup>informal

##### Puna Reo

Ka tātari, ka whakamahi anō te ākongā i ngā āhuetanga reo e tutuki ai ngā kawenga kōrero i te taumata tuatoru o te marautanga.

Ka whakaatu ia i tana mōhio ki:

- te rere, te tangi, me te mita o te reo Māori
- ētahi **kīwaha**<sup>10</sup> me ētahi **reo peha**<sup>11</sup>
- te maha tonu o ngā **kupu taurite**<sup>12</sup> me ngā **kupu āhua**<sup>13</sup>
- ētahi āhuetanga reo hei **whakanikoniko**<sup>14</sup> i te whakaaro (hei tauira, ko te **tāruarua**<sup>15</sup>, ko te **huarite**<sup>16</sup>).

<sup>10</sup>colloquialism

<sup>11</sup>figurative language

<sup>12</sup>synonym

<sup>13</sup>adjective

<sup>14</sup>embellish

<sup>15</sup>repetition

<sup>16</sup>rhyme

##### Rautaki Reo

Ka tātari, ka whakamahi anō te ākongā i ngā rautaki e mārama ai ia ki tāna e rongō ana, e mārama anō ai ētahi atu ki āna kōrero.

I a ia e whakarongo ana, e kōrero ana:

- ka kimi māramatanga ina kore ia e mārama ki te tikanga o te kōrero
- ka whakatika ia i a ia anō, ka tiki kōrero kē atu hei whakaatu i ana whakaaro, e mārama ai ana kōrero ki te kaiwhakarongo
- ka kuhu atu ki tētahi kōrerorero i runga i te tika me te mārama ki ngā tikanga o te kōrerorero.

# Taha Pānui

gai ana ki te ākongā kua ekea e ia te Taumata 3 o *Te Marautanga o Aotearoa* me te m

## Ngā Whāinga

### Āheinga Reo

Ka mārama atu, ka tātari te ākongā i ngā pūtake o ngā tuhinga kei waenga o te taumata Pīngao, kei te taumata tuatoru anō o te marautanga.

Ina pānui ia:

- ka whakarāpopotonga e ia ngā whakaaro matua o ngā **tuhinga pohewa**<sup>1</sup> me ngā pārongo matua o ngā **tuhinga pono**<sup>2</sup>, ā, ka tautohu anō i ngā wāhanga o te tuhinga e tautoko ana i ngā kōrero matua
- ka tautohua, ka matapakitia e ia te hanga me ngā **āhuatanga o te tuhinga**<sup>3</sup> e tohu ana i te pūtake a te kaituhi
- ka whakaputa ia i ōna ake whakaaro ki taua tuhinga, ā, ka tautohu tauira mai i te tuhinga e whakatauirā ana i ōna whakaaro.

<sup>1</sup>*fictional text*

<sup>2</sup>*non-fiction text*

<sup>3</sup>*text features*

### Puna Reo

Ka mārama atu, ka tātari anō te ākongā i ngā āhuatanga reo me ngā whakatakoto i roto i ngā tuhinga kei waenga o te taumata Pīngao, kei te taumata tuatoru anō o te marautanga.

Ka whakaatu ia i tana mōhio ki:

- te **pānui wawe**<sup>4</sup> i ngā kupu
- ētahi āhuatanga reo me te pānga o ēnei ki te momo tuhinga, ki te kaupapa, ki te kaipānui rānei
- ngā **tohutuhi**<sup>5</sup> hei whakapai ake i te wehewehenga o ngā whakaaro, i te piki me te heke o te reo, tae atu ki te mārama o te kōrero.

<sup>4</sup>*quickly decode*

<sup>5</sup>*punctuation*

### Rautaki Reo

Ka tātari te ākongā, ka whakamahi anō i ētahi rautaki pānui e mārama ai ia ki ngā tuhinga kei waenga i te taumata Pīngao, kei te taumata tuatoru anō o te marautanga.

I a ia e pānui ana:

- ka **whakahāngai**<sup>6</sup> ia i tōna mōhio ki te kaupapa me te horopaki, me ōna wheako ki te ao, kia mārama ai ngā pārongo hou
- ka aro atu ia ki ngā tīwhiri o roto i ngā tānga whakaahua
- ka tātari i te hanganga o te kupu hou, o te rerenga hou rānei hei **hīkaro**<sup>7</sup> i te tikanga, ka titiro ai ki te papakupu hei **whakaū**<sup>8</sup> i tāna i whakapae ai
- ka tātari i te hāngai, i te whai kiko o ngā rautaki mai i tana puna rautaki pānui.

<sup>6</sup>*adapt*

<sup>7</sup>*infer*

<sup>8</sup>*confirm*

He Aratohu mā te Pouako te roanga atu o ngā mea e tika ana kia tutuki i te ākongā i t

## Taha Tuhituhi

ahi ko ia anake.

### Ngā Whāinga

<p>Āheinga Reo</p>	<p>Ka mārama te ākongā ki ētahi pūtāke tuhituhi me ētahi momo tuhinga, ā, ka tutuki i a ia āna ake pūtāke tuhituhi, ētahi pūtāke ake a te Māori, me ngā pūtāke i te taumata tuatoru o te marautanga.</p>	<p>Ina tuhi ia:</p> <ul style="list-style-type: none"> <li>ka hanga tuhinga ia e pā ana ki tētahi kaupapa mā te hunga pānui kua tautohua</li> <li>ka mārama, ka <b>arorau</b><sup>1</sup> te whakaputa i ngā whakaaro, ā, ka hāngai ngā whakaaro me ngā pārongo ki te kaupapa.</li> </ul>	<p><sup>1</sup>logical</p>
<p>Puna Reo</p>	<p>Ka mārama atu, ka whakamahi anō te ākongā i ngā āhuatanga reo me ngā whakatakoto i roto i āna tuhituhi i te taumata tuatoru o te marautanga.</p>	<p>Ka whakaatu ia i tana mōhio ki:</p> <ul style="list-style-type: none"> <li>ngā kupu maha e whakaatu ana i ōna <b>kare ā-roto</b><sup>2</sup> me ōna whakaaro, me ētahi kupu e tino hāngai ana ki āna kaupapa tuhituhi</li> <li>te whakamahi i te <b>piko</b><sup>3</sup>, i ngā <b>tohu kōrero</b><sup>4</sup>, me ngā <b>tohumatā</b><sup>5</sup></li> <li>te <b>tātaki</b><sup>6</sup> tika i te nuinga o ngā kupu e tuhia ana e ia me te whakamahi tika i te tohutō</li> <li>ngā momo tīmatanga rerenga maha me te whakaraupapa tuhinga ki te <b>kōwae</b><sup>7</sup></li> <li>ētahi āhuatanga reo e hāngai ana ki te pūtāke tuhituhi pērā i te whakahau <b>kupu mahi hāngū</b><sup>8</sup> (tohutohu), me ētahi āhuatanga reo hei whakanikoniko i te whakaaro pērā i te reo whakaahua, te <b>tāruarua</b><sup>9</sup>, me te <b>huarite</b><sup>10</sup> (whiti/ruri whakangahau).</li> </ul>	<p><sup>2</sup>emotion</p> <p><sup>3</sup>comma</p> <p><sup>4</sup>speech marks</p> <p><sup>5</sup>bullet points</p> <p><sup>6</sup>spell</p> <p><sup>7</sup>paragraph</p> <p><sup>8</sup>passive verb</p> <p><sup>9</sup>repetition</p> <p><sup>10</sup>rhyme</p>
<p>Rautaki Reo</p>	<p>Ka mārama atu te ākongā, ka whakamahi anō i ngā rautaki āhua huhua nei kua tohua i te taumata tuatoru o te marautanga hei whakaputa i ōna whakaaro i roto i āna tuhinga.</p>	<p>I a ia e tuhi ana:</p> <ul style="list-style-type: none"> <li>ka rapu, ka koha, ka arotake ia i ngā rauemi hei tautohu i ngā pārongo me ngā whakaaro e hiahiatia ana, ka whakaraupapa hoki i ngā pārongo me ngā whakaaro ki tētahi <b>mahere</b><sup>11</sup> e hāngai ana ki te anga o te <b>momo tuhinga</b><sup>12</sup></li> <li>ka <b>arohaehae</b><sup>13</sup> i ngā tuhinga kia hāngai te āhua o ngā tuhituhi, te momo tuhinga, me te momo reo ki te hunga pānui, kia ea ai hoki te pūtāke o te tuhinga.</li> </ul>	<p><sup>11</sup>plan</p> <p><sup>12</sup>text type</p> <p><sup>13</sup>critique</p>

ēnei taumata.